

- Izvještaj o radu Uprave policije MUP-a Kantona Sarajevo za period januar – juni 2013. godine -

KRIMINALITET

Kriminalitet na području Kantona Sarajevo u periodu januar - juni 2013. godine u odnosu na isti period prethodne godine, posmatrano kroz statističke pokazatelje, karakteriše neznatno povećanje broja registrovanih krivičnih djela za 0,2%, zatim smanjenje broja prijavljenih lica za 3,4%, povratnika u činjenju krivičnih djela za 7,1% i lica lišenih slobode za 4,8%, dok je broj maloljetnih izvršilaca ostao isti.

U periodu januar – juni 2013. godine, registrovano je 3.251 krivično djelo, što je za šest djela ili 0,2% više nego u periodu januar – juni 2012. godine.

U 999 slučajeva (30,7% od ukupnog broja djela), krivična djela su izvršena od strane poznatih izvršilaca, a 2.252 krivična djela (ili 69,3%), prijavljena su po nepoznatom učiniocu, od kojih su za 1.054 naknadno otkriveni izvršioci (ili 46,8% od ukupnog broja prijavljenih djela po nepoznatom), što znači da su u izvještajnom periodu, za ukupno 2.053 krivična djela identifikovani osumnjičeni izvršioci ili 63,1% što je za 2,3% manje u odnosu na uporedni period.

(tabela 1.) Uporedni pokazatelji kriminaliteta po mjesecima u periodu januar – juni 2013. godine

	januar	februar	mart	april	maj	juni	6 mj
broj krivičnih djela	629	508	521	551	545	497	3.251
broj rasvijetljenih djela	415	344	335	339	318	302	2.053
% ukupne rasvijetljenosti KD	66%	67,7%	64,3%	61,5%	58,3%	60,8%	63,1%
broj prijavljenih lica	315	255	295	274	247	236	1.622
broj povratnika	179	177	198	176	162	160	1.052
broj lica lišenih slobode	128	106	129	126	96	87	672

Za izvršenje navedenih djela prijavljena su 1.622 lica, od kojih su 1.052 povratnika (ili 64,9% prijavljenih), 102 maloljetnika (isti broj), a 672 lica su lišena slobode (ili 41,4%).

KRIVIČNA DJELA	jan.-juni 2013.	jan.-juni 2012.	uporedba br.KD		“ukupna rasvjetljenost”	
			+ / -	%	br. KD	%
Protiv ustavnog poretka Federacije	1	0	1	---	1	100%
Protiv života i tijela	77	108	-31	-28,7%	73	94,8%
Protiv slobode i prava čovjeka i građanina	129	106	23	21,7%	126	97,7%
Protiv spolne slobode i morala	6	5	1	20,0%	4	66,7%
Protiv braka, porodice i mladeži	126	114	12	10,5%	126	100%
Protiv zdravlja ljudi	133	137	-4	-2,9%	133	100%
Protiv privrede, poslovanja i sigur.plat. prom.	1	3	-2	-66,7%	1	100%
Iz radnih odnosa	0	1	-1	---	0	---
Protiv imovine	2.421	2.420	1	0,04%	1.253	51,8%
Protiv okoliša, poljoprivrede i prirodnih dob.	4	6	-2	-33,3%	4	100%
Protiv opće sigurnosti ljudi i imovine	63	58	5	8,6%	47	74,6%
Protiv sigurnosti javnog prometa	42	34	8	23,5%	40	95,2%
Protiv pravosuđa	10	12	-2	-16,7%	11	110% ¹
Protiv javnog reda i pravnog prometa	171	185	-14	-7,6%	167	97,7%
Protiv podmićivanja i krivična djela protiv službene i druge odgovorne funkcije	7	9	-2	-22,2%	7	100%
Protiv privrede i jedinstva tržišta te kd iz oblasti carina (KZ BiH)	2	0	2	---	2	100%
Dogovor, pripremanje, udruživanje i organizirani kriminal (KZ BiH)	4	0	4	---	4	100%
Zakon o nabavljanju, držanju i nošenju oružja i municije (Sl.novine Kantona Sarajevo br. 38/07)	54	47	7	14,9%	54	100%
UKUPNO	3.251	3.245	6	0,2%	2.053	63,1%

U odnosu na uporedni period manji je broj, prijavljenih lica za 57 (ili 3,4%), povratnika za 81 (ili 7,1%) i lica lišenih slobode za 34 (ili 4,8%), dok je broj prijavljenih maloljetnika ostao isti (102).

KRIVIČNA DJELA PROTIV ŽIVOTA I TIJELA

U periodu januar – juni 2013. godine prijavljeno je 77 krivičnih djela protiv života i tijela (31 manje u odnosu na isti period 2012. godine) od kojih je za 73 ili 94,8% poznat učinilac. Zbog postojanja osnova sumnje da su ih počinili podneseni su službeni izvještaji protiv 96 lica (27 manje), od kojih je 48 povratnika (ili 50%), a 36 je lišeno slobode (devet manje).

Evidentirana su slijedeća krivična djela: ubistvo – jedno djelo (dva manje), ubistvo u pokušaju – sedam (jedno manje), teška tjelesna ozljeda – 39 (četiri više), lahka tjelesna ozljeda – 26 djela (deset manje) i učestvovanja u tuči – četiri djela (dva manje).

Pored „rasvjetljavanja“ svih registrovanih djela iz ove oblasti u izvještajnom periodu „rasvjetljeno“ je jedno djelo iz prethodne godine (iz člana 347. KZ FBiH-a – lažno prijavljivanje)

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 129 djela (23 više) i to: ugrožavanje sigurnosti – 125 djela, narušavanje nepovredivosti doma – dva, protupravno lišenje slobode i povreda tajnosti pisma ili druge pošiljke – po jedno djelo. Zbog izvršenja navedenih djela prijavljeno je 115 lica od kojih je 70 povratnika u činjenju krivičnih djela (ili 60,9%), a 21 je lišeno slobode. Sva djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je šest djela (jedno više) i to: bludne radnje – tri, navođenje na prostituciju, silovanje u pokušaju i prinuda na spolni odnošaj u pokušaju – po jedno djelo. Za izvršenje djela iz ove oblasti prijavljena su četiri lica, koja su lišena slobode i uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 126 krivičnih djela (12 više) i to: nasilje u porodici – 125 i oduzimanje djeteta ili maloljetnika – jedno djelo. Službeni izvještaji podneseni su protiv 123 lica od kojih je 59 povratnika (ili 48%), a 71 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 138 lica (10 manje) od čega je 85 povratnika (ili 61,6%), zbog postojanja osnova sumnje da su počinili 133 krivična djela (četiri manje) i to:

- neovlašćena proizvodnja i stavljanje u promet opojnih droga – 24 djela (dva manje) i
- posjedovanje i omogućavanje uživanja opojnih droga – 109 djela (dva manje).

Zbog zloupotrebe opojnih droga 69 lica je lišeno slobode (osam manje).

U ovom periodu podneseno je 66 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (52 manje). Takođe s ciljem pronalaženja narkotičkih sredstava izvršen je pregled 80 lica (sedam manje), 27 stambenih objekata (11 manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-JUNI 2013. GOD.	JANUAR-JUNI 2012. GOD.
Marihuana (u gramima)	1.440,00	41.239,27
Marihuana (paketići)	101	224
Marihuana (JOINT - cigarete)	8	15
Heroin (paketići)	204	23
Heroin (u gramima)	30	1.832,00
Amfetamin (paketići)	117	88
Amfetamin (u gramima)	150	427,00
Kokain (paketići)	16	---
Hašiš (paketići)	1	---
pribor sa ostacima droge (komada)	33	31

Iz oblasti krivičnih djela protiv „privrede“ prijavljeno je jedno djelo (dva manje) i to prijevara u privrednom poslovanju, za čije izvršenje je prijavljeno jedno lice.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a, koja su registrovana od strane Odjeljena za privredni kriminal i to: krivotvorenje isprave – tri, krivotvorenje novca i zloupotreba položaja ili ovlaštenja – po dva, neizvršenje sudske odluke i pronevjera u službi – po jedno djelo, a koja su prijavljena u prvih šest mjeseci 2013. godine, nastupila je materijalna šteta u ukupnom iznosu od 8.168,88 KM i 210 €.

Pregled nastale materijalne štete izvršenjem krivičnih djela iz oblasti protiv „privrede“

“SUBJEKTI”	januar - juni 2013. godine	januar - juni 2012. godine
PRIVREDNI SUBJEKTI	8.166,88 KM	203.944,78 KM
FIZIČKA LICA	210 €	158.257,20 KM
UKUPNO	8.168,88 KM i 210 €	362.201,98 KM

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 74,5% ukupnog kriminaliteta. Naime, u periodu januar – juni 2013. godine registrovano je 2.421 djelo što je za jedno djelo više u odnosu na period januar – juni 2012. godine.

Najbrojnija djela iz ove oblasti su: teške krađe – 1.489 (44 manje), krađe – 385 (osam više), razbojništva – 276 (15 više), oštećenje tuđe stvari – 94 (četiri više), teška krađa u pokušaju – 43 (dva manje), prijevara – 41 (pet više), utaja – 32 (11 manje), prikrivanje – 15 (12 manje), itd.

Zbog izvršenja navedenih djela prijavljena su 752 lica od kojih je 567 povratnika u činjenju krivičnih djela (ili 75,4%), a 321 je lišeno slobode.

Za ukupno 1.253 djela ili 51,8% identifikovan je osumnjičeni izvršilac, što je u odnosu na isti period prethodne godine, smanjenje za 3%.

Objekti napada pri vršenju krivičnih djela protiv imovine najčešće su bila motorna vozila (otuđenja pmv i “provale” u ista), zatim stambeni objekti, poslovni prostori i prodavnice, na ulici, itd., pri čemu je najčešće otuđivan novac, motorna vozila, tehnička roba, nakit, auto-dijelovi, cigarete, prehrambeni proizvodi, kozmetika, garderoba, itd.

U prvih šest mjeseci ove godine na području Kantona Sarajevo izvršeno je 331 krivično djelo teških krađa motornih vozila, od čega je 106 ili 32% vraćeno (od strane policije MUP Kantona Sarajevo vraćeno je 47 vozila, MUP-a RS-a – devet, drugih MUP-ova – devet, uz novčanu nadoknadu - šest, a 35 vozila vlasnici su sami pronašli).

U odnosu na uporedni period broj otuđenih vozila, smanjen je za devet vozila ili 2,6%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 61 lica (23 više) od kojih su 33 povratnika (ili 54,1%).

Na području Kantona Sarajevo u periodu januar – juni ove godine registrovano je 276 krivičnih djela razbojništva (15 ili 5,7% više).

Razbojništva su počinjena u prodavnicama - 134 puta (29 više), na ulici – 81 (tri više), sportskim kladionicama – 25 (18 manje), itd.

Navedena djela izvršena su prijetnjom upotrebe vatrenog oružja – 124 puta (41 više), prijetnjom i upotrebom noža ili drugog oštrog predmeta (komad stakla, šrafčiger i sl.) – 78 (šest više) i upotrebom fizičke snage – 74 puta (32 manje).

Za ukupno 138 ovih djela ili 50%, identifikovan je osumnjičeni izvršilac što je za 7,5% manje u odnosu na isti period 2012. godine.

Nasilno oduzimanje mobitela, nakita i sl. direktno se odražava na broj teških krađa na naročito opasan ili naročito drzak način. U ovom periodu evidentirano je 130 djela ove vrste (47 manje), od čega je 98 ili 75,4% rasvijetljeno, što je 8,2% veća rasvijetljenost.

Za izvršenje ovih oblika teških krađa, prijavljena su 63 lica, od kojih je 50 povratnika (ili 79,4%), a 29 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 63 djela (pet više) i to: izazivanje opće opasnosti – 53 djela, nesavjesno čuvanje pasa i drugih opasnih životinja – pet, uništenje ili oštećenje važnih privrednih objekata ili javnih naprava – četiri i izazivanje opće opasnosti u pomaganju – jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 49 lica, od čega je 29 povratnika (ili 59,2%), a 25 je lišeno slobode.

Pregled krivičnih djela „izazivanja opće opasnosti“ iz člana 323. KZ FBiH-a u periodu januar- juni 2013/12. godini na području Kantona Sarajevo

mjesec 2013/12.godine	januar	februar	mart	april	maj	juni	6 mj
januar – juni 2013. godine	7	9	11	8	10	8	53
januar – juni 2012. godine	6	4	7	15	7	9	48
Uporedba	1	5	4	-7	3	-1	5

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 171 krivično djelo (14 manje) i to: nasilničko ponašanje - 76 djela, nedozvoljeno držanje oružja ili eksplozivnih materija – 37, krivotvorenje isprave – 22, napad na službenu osobu u vršenju poslova sigurnosti – 17, sprečavanje službene osobe u vršenju službene radnje – osam, samovlašće – šest, skidanje ili povreda službenog pečata ili znaka – četiri, itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 200 lica, od kojih je 129 povratnika (ili 64,5%), a 85 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- juni 2013. godine **prijavljena su 102 maloljetnika** zbog postojanja osnova sumnje da su **izvršili 127 krivičnih djela**. U poređenju sa istim periodom 2012. godine, broj krivičnih djela za čije izvršenje su prijavljena maloljetna lica **smanjen je za 37 ili 22,6%**, dok je **broj prijavljenih maloljetnih učinilaca** ovih djela ostao **isti**.

Pregled broja maloljetnih izvršilaca krivičnih djela za period januar-juni 2013. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	7	46	49	102

Među maloljetnim učiniocima krivičnih djela, najveći broj je u dobi do 16 godina, dok je povratnika u izvršenju krivičnih djela 37 (ili 36,3%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih djela u proteklih šest mjeseci 2013. godine, može se konstatovati da su maloljetnici najveći broj krivičnih djela izvršili na području **općina Novo Sarajevo** (34 ili 26,8%), **Novi Grad** (24 ili 18,9%) i **Centar** (23 ili 18,1%).

Najbrojnija su krivična djela protiv imovine - 87 (ili 68,5%), pri čemu prevladavaju **teške krađe** (32 ili 36,8%), **teške krađe na naročito drzak i opasan način** (17 ili 19,5%) i **razbojništva (13 ili 14,9%)**. U odnosu na isti period prošle godine, u proteklih šest mjeseci znatno je smanjen broj krivičnih djela teških krađa (za 22 ili 40,7%), dok je broj razbojništava nepromijenjen.

Kada su u pitanju krivična djela protiv života i tijela, maloljetnici su prijavljeni za izvršenje 10 krivičnih djela iz ove oblasti i to: ubistvo u pokušaju-jedno, nanošenje teške tjelesne povrede-pet, učestvovanje u tuči-dva i nanošenje lahke tjelesne povrede-dva djela.

Pregled registrovanih krivičnih djela izvršenih od strane maloljetnih lica
za period januar- juni 2013/2012. godine

Naziv krivičnog djela	jan.-juni 2013.	jan.-juni 2012.	Uporedba
Ubistvo u pokušaju	1	0	+1
Teška tjelesna povreda	5	4	+1 ili 25%
Lahka tjelesna povreda	2	3	-1 ili -33,3%
Učestvovanje u tuči	2	0	+2
Ugrožavanje sigurnosti	4	4	0
Nasilje u porodici	1	0	+1
Neovlaš. proizvod. i stav. u promet opojnih droga	1	1	0
Posjedov. i omoguć. uživanja opoj. droga	6	8	-2 ili -25%
Krađa	12	25	-13 ili -52%
Krađa-pokušaj	0	1	-1 ili -100%
Krađa-pomaganje	0	1	-1 ili -100%
Teška krađa	32	54	-22 ili -40,7%
Teška krađa-pokušaj	4	7	-3 ili -42,9%
Teška krađa na naroč. opasan ili naročito drzak način	17	21	-4 ili -19%
T. krađa na nar. opas. ili nar. drzak način- pokušaj	0	1	-1 ili -100%
Razbojništvo	13	13	0
Razbojništvo- pokušaj	2	0	+2
Razbojništvo-pomaganje	0	1	-1 ili -100%
Utaja	2	1	+1 ili 100%
Oštećenje tuđe stvari	5	4	+1 ili 25%
Pomoć učinitelju poslije učinjenog krivičnog djela	1	0	+1
Prikrivanje	0	1	-1 ili -100%
Izazivanje opće opasnosti	1	2	-1 ili -50%
Nesavjesno čuvanje pasa i dr. opasnih životinja	1	0	+1
Sprečavanje sl. osobe u vršenju službene radnje	1	0	+1
Napad na sl. osobu u vršenju poslova sigurnosti	2	1	+1 ili 100%
Nasilničko ponašanje	7	9	-2 ili -22,2%
Teška krivična djela protiv sigurnosti javnog prometa	1	0	+1
Nedozvoljeno držanje oružja i eksp. materija	2	1	+1 ili 100%
Krivtvođenje novca (čl 205 KZ BiH)	1	0	+1
ZONDINOM (čl. 52)	1	1	0
ukupno	127	164	-37 ili -22,6%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-juni 2013. godine na području Kantona Sarajevo registrovano je 11 slučajeva aktiviranja minsko-eksplozivnih sredstava (dva ili 22,2% više u odnosu na isti period 2012. godine), a u devet slučajeva izvršen je uviđaj na mjestu događaja. Pažnju zaslužuje podatak da su četiri eksplozije izazvane nestručnim rukovanjem nepoznatim eksplozivnim napravama, kojom prilikom su smrtno stradala dva lica (jedno dijete), a šest ih je povrijeđeno: jedno dijete je zadobilo teške tjelesne povrede, jedno je lakše povrijeđeno, dva su zadobila neutvrđen stepen povreda, a lakše su povrijeđena još dva lica.

U ostalih sedam slučajeva eksplozije su izazvane namjerno (u jednom slučaju izvršio su poznati, a radi se o dva maloljetna lica). Osim materijalne štete na stambenim objektima, u ovim eksplozijama nije bilo povrijeđenih lica.

Preduzimajući aktivnosti na otkrivanju izvršilaca krivičnog djela izazivanja opće opasnosti aktiviranjem minsko-eksplozivnih sredstava u ranijem periodu, policijski službenici su u toku mjeseca januara 2013. godine podnijeli službeni izvještaj nadležnom tužilaštvu protiv jednog lica (B.E.- rođen 1994 godine) za kojeg postoje osnovi sumnje da je u mjesecu oktobru 2012. godine ispred kuće na području općine Centar aktivirao ručnu bombu. Takođe, identifikovano je i lice koje je 31. decembra 2012. godine aktiviralo eksplozivnu napravu u parku ispred Doma kulture u Hrasnici.

U proteklom periodu nepoznati izvršilac bacio je flašu sa zapaljivom tečnošću na putničko vozilo na području općine Stari Grad, koja se zapalila i izazvala manji požar na vozilu. Takođe, registrovan je i slučaj bacanja ručne bombe u dvorište kuće na području općine Stari Grad koja se nije aktivirala, kao i slučaj bacanja suzavca od strane nepoznatog izvršioaca ispred ugostiteljskog objekta na području općine Stari Grad, usljed čega su povrijeđena četiri lica.

Evidentirano je šest anonimnih dojava o postavljenoj eksplozivnoj napravi (dvije manje u odnosu na isti period 2012. godine), a nakon KDZ pregleda utvrđeno je da su dojave bile lažne. U tri slučaja izvršio su identifikovani i protiv njih su preduzete zakonske mjere. Takođe, u mjesecu januaru identifikovana su i dva lica koja su u novembru prošle godine u tri navrata upućivala lažne dojave o postavljenoj eksplozivnoj napravi u Srednjoj medicinskoj školi.

POŽARI

Tokom perioda januar –juni 2013. godine, na području Kantona Sarajevo registrovano je 56 požara (11 manje), u kojima je jedno lice lakše povrijeđeno. Prema statističkim pokazateljima, 29 požara je izazvano namjerno, devet zbog tehničkih nedostataka, dva su prouzrokovana nehatom, dok uzrok 16 požara spada u kategoriju ostalih. Zbog izazivanja požara nadležnom tužilaštvu je podneseno 17 službenih izvještaja iz člana 323 KZ FBiH (izazivanje opće opasnosti).

SAMOUBISTVA

U prvih šest mjeseci 2013. godine na području Kantona Sarajevo registrovano je 21 samoubistvo (dva više), koja su izvršena vješanjem – 12 puta, skokom sa visine i pucanjem iz vatrenog oružja – po tri, trovanjem, presjecanjem vena i samospaljivanjem – po jedno. Prema spolu, izvršioци su četiri žene i 17 muškaraca, od kojih su tri lica u dobi od 20 do 30 godina, četiri od 30 do 50 godina i 14 lica u dobi preko 50 godina.

JAVNI RED I MIR

Policijski službenici su u periodu januar-juni 2013. godine, zbog raznih oblika narušavanja javnog reda i mira uručili, odnosno podnijeli ukupno **2.718** prekršajnih **naloga i zahtjeva** za pokretanje prekršajnog postupka (naloga - 1.876, zahtjeva - 842), što u odnosu na prvo polugodište 2012. godine predstavlja **povećanje za 194 ili 7,7%**. Prekršajne sankcije preduzete su **protiv 2.979 lica (219 ili 7,9% više)**.

Od ukupnog broja prekršajnih sankcija, 2.461 ili 90,5% odnosi se na prekršaje utvrđene Zakonom o prekršajima protiv javnog reda i mira, a 257 ili 9,5% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 310 ili 11,4% naloga i zahtjeva, 66 ili 2,4% na maloljetna lica i šest ili 0,2% na strane državljane.

S obzirom na starosnu strukturu lica protiv kojih su u prvom polugodištu ove godine preduzete prekršajne sankcije (ukupno 2.979), najveći broj je onih starosne dobi preko 36 godina (1.427), zatim starosti između 26 i 35 godina (867) i između 19 i 25 godina (594), dok je maloljetnih učinilaca prekršaja bilo 91 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-juni 2013. godine, u slučajevima kada se radilo o prekršajima, nije bilo teže povrijeđenih lica (kao ni u prvom polugodištu 2012. godine), dok su lakše povrijeđena 174 lica (42 ili 19,4% manje). Najveći broj povrijeđenih lica registrovan je na području općina Novi Grad (48), Novo Sarajevo (42) i Centar (30).

Pregled broja uručenih/podnesenih naloga i zahtjeva za pokretanje prekršajnog postupka za period januar-juni 2013. godine, po mjesecima

januar-juni 2012.	prekršajni nalozi	zahtjevi za ppp	ukupno
januar	249	106	355
februar	249	123	372
mart	302	108	410
april	342	154	496
maj	333	199	532
juni	401	152	553
ukupno	1.876	842	2.718

Posmatrano po policijskim stanicama, najveći broj prekršajnih sankcija preduzeli su službenici policijskih stanica Stari Grad (791 ili 29,1% od ukupnog broja), Centar (729 ili 26,8%) i Novo Sarajevo (447 ili 16,4%).

Potrebno je istaći da se najveći broj prekršajnih sankcija koje su imali službenici policijskih stanica Centar, Stari Grad i Novo Sarajevo odnosi na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području navedene tri općine, posebno u vrijeme turističke sezone, vjerskih. i drugih manifestacija.

Prema strukturi prekršaja iz oblasti javnog reda i mira, najbrojnija su prosjačenja-1.099 (ili 40,4% od ukupnog broja); zatim tuče-397; naročito drsko ponašanje-325 i odbijanje naređenja i omalovažavanje policijskih službenika-221. Znatno manje prekršaja učinjeno je svadom, vikom i nepristojnim ponašanjem-73; paljenjem petardi-13, te neovlaštenom upotrebom oružja -šest. Zbog svih ostalih prekršaja preduzeto je 327 prekršajnih sankcija.

Tabelarni pregled strukture prekršaja iz oblasti javnog reda i mira za period januar-juni 2013./ 2012.godina

	januar-juni 2013.	januar-juni 2012.	uporedba
UKUPNO NALOGA I ZAHTJEVA	2.718	2.524	+194 ili 7,7%
UKUPNO LICA	2.979	2.760	+219 ili 7,9%
Prekršaji iz Zakona o prekršajima protiv JRiM:	2.461	2.275	+186 ili 8,2%
<i>-Tuče</i>	397	458	-61 ili -13,3%
<i>-Naročito drsko ponašanje</i>	325	365	-40 ili -11%
<i>-Odbijanje naređenja i omalov. služb. policije</i>	221	220	+1 ili 0,5%
<i>-Svađa, vika, nepristojno ponašanje</i>	73	61	+12 ili 19,7%
<i>-Neovlaštena upotreba oružja</i>	6	1	+5 ili 500%
<i>-Paljenje petardi</i>	13	19	-6 ili -31,6%
<i>-Prosjačenje</i>	1.099	819	+280 ili 34,2%
<i>-Ostali prekršaji iz Zakona o prekrš. protiv JRiM</i>	327	332	-5 ili -1,5%
Prekršaji prema Odluci OV o JRiM	257	249	+8 ili 3,2%

U odnosu na isti period 2012. godine, smanjen je broj prekršajnih sankcija zbog prekršaja učinjenih tučama, naročito drskim ponašanjem, paljenjem petardi i zbog ostalih prekršaja, dok je u svim ostalim slučajevima došlo do povećanja, što se posebno odnosi na prekršaje učinjene neovlaštenom upotrebom oružja, te prosjačenjem.

Prema mjestu izvršenja, najveći broj prekršaja učinjen je na **ulici i na drugim otvorenim prostorima**- 2.269 (ili 83,5%), u ugostiteljskim objektima- 159 (ili 5,8%), sportskim terenima- 30, školama i školskim dvorištima- 27, trgovinskim i zanatskim radnjama- 24, vozilima javnog saobraćaja- osam i na ostalim mjestima- 201 prekršaj.

U odnosu na isti period 2012. godine, u proteklih šest mjeseci povećan je broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, sportskim terenima, trgovinskim radnjama i na ostalim mjestima, dok je smanjen broj prekršaja izvršenih u ugostiteljskim objektima, u vozilima javnog saobraćaja i u školama.

Pored prekršajnih sankcija zbog prekršaja izvršenih u školama i školskim dvorištima, policijski službenici su u periodu januar-juni 2013. godine zbog krivičnih djela izvršenih na ovom lokalitetu, nadležnom tužilaštvu podnijeli 24 službena izvještaja (jedan više u odnosu na isti period 2012. godine) i to zbog sljedećih djela: ugrožavanje sigurnosti-šest,

nasilničko ponašanje-pet, razbojništvo-tri, teška krađa na naročito drzak i opasan način-tri, teška tjelesna povreda-dva, lahka tjelesna povreda-dva, teška krađa, krađa i pomoć učinitelju poslije učinjenog krivičnog djela-po jedno djelo.

Policijski službenici su u proteklih šest mjeseci 2013. godine učestvovali u osiguranju 1.127 javnih skupova koji su održani na području Kantona Sarajevo (24 ili 2,2% više u odnosu na isti period 2012. godine), a u 167 slučajeva izvršeno je KDZ osiguranje ovih skupova (18 ili 12,1% više). Preduzimane su planske i organizovane aktivnosti kako bi svi skupovi, kao što su sportske, kulturne i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Policijski službenici MUP-a Kantona Sarajevo su tokom mjeseca juna 2013. godine profesionalno i u skladu sa Zakonom, poštujući sva prava građana, vršili osiguranje protestnih okupljanja građana povodom nedonošenja Zakona o JMBG, koji se skoro svakodnevno održavaju ispred Institucija BiH uz prisustvo od 20-tak do nekoliko hiljada građana.

SAOBRAĆAJ

Tokom prvog polugodišta 2013. godine, u odnosu na isti period prošle godine, povećan je ukupan broj saobraćajnih nezgoda, nezgoda sa materijalnom štetom i nastradalim licima, kao i broj nastradalih lica.

Registrovano je 4.976 saobraćajnih nezgoda (157 ili 3,2 % više), 4.536 sa materijalnom štetom (90 ili 2 % više) i 440 sa nastradalim licima (67 ili 18 % više).

U saobraćajnim nezgodama na području Kantona Sarajevo 580 lica je nastradalo (93 ili 19,1% više). Deset lica je poginulo (jedno ili 11,1 % više), dok je 570 lica povrijeđeno (92 ili 19,2 % više), 83 teže i 487 lakše. Među poginulim licima, pet je pješaka, četiri vozača i jedan putnik

Od ukupno 570 povrijeđenih lica, 230 je vozača (36 više), putnika –186 (58 više) i pješaka - 154 (dva manje). Kada je u pitanju stepen povreda, 20 vozača je teže, a 210 lakše povrijeđeno. Devetnaest putnika je teže, a 167 lakše povrijeđeno, dok su 44 pješaka teže i 110 lakše povrijeđena.

U naselju su registrovane 4.772 saobraćajne nezgode (pet sa poginulim, 403 sa povrijeđenim licima i 4.364 sa materijalnom štetom), van naselja 204 nezgode (pet sa poginulim, 27 sa povrijeđenim licima i 172 sa materijalnom štetom).

Registrovano je 877 saobraćajnih nezgoda na raskrsnicama u naselju, 53 na pješačkom prelazu, 17 na raskrsnicama van naselja, 11 na nadvožnjaku, četiri na prelazu preko željezničke pruge, tri na mostu, jedna u tunelu i 4.010 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji stanja sigurnosti saobraćaja na području Kantona Sarajevo
januar-juni 2013/2012.godine

	2013	2012	+, -, %
UKUPNO SAOBRAĆAJNIH NEZGODA	4.976	4.819	+ 157 ili 3,2 %
Saobraćajne nezgode sa nastradalim licima	440	373	+ 67 ili 18 %
Saobraćajne nezgode sa materijalnom štetom	4.536	4.446	+ 90 ili 2 %
POGINULO LICA	10	9	+ 1 ili 11,1 %
- vozači	4	2	+ 2 ili 100 %
- putnici	1	0	+ 1
- pješaci	5	7	- 2 ili 28,6 %
POVRIJEĐENO LICA	570	478	+ 92 ili 19,2 %
- vozači	230	194	+ 36 ili 18,5 %
- putnici	186	128	+ 58 ili 45,3 %
- pješaci	154	156	- 2 ili 1,3 %

Najveći broj saobraćajnih nezgoda registrovan je na području općina: Centar (1.133), Novi Grad (1.077). U odnosu na uporedni period, najveće povećanje broja saobraćajnih nezgoda registrovano je na području općine Ilidža (za 91 ili 12,6 %), a smanjenje na području općine Stari Grad (za 48 ili 9,9 %).

Broj nastradalih lica u saobraćajnim nezgodama po kategoriji učesnika
januar-juni 2013/2012

	POGINULI			TEŠKO POVRIJEĐENI			LAKŠE POVRIJEĐENI		
	2013	2012	+, -, %	2013	2012	+, -, %	2013	2012	+, -, %
VOZAČI	4	2	+ 2 ili 100 %	20	18	+ 2 ili 11,1 %	210	176	+ 34 ili 19,3 %
PUTNICI	1	0	+ 1	19	12	+ 7 ili 58,3 %	167	116	+ 51 ili 44 %
PJEŠACI	5	7	- 2 ili 28,6 %	44	41	+ 3 ili 7,3 %	110	115	- 5 ili 4,3 %
UKUPNO	10	9	+ 1 ili 11,1 %	83	71	+ 12 ili 16,9 %	487	407	+ 80 ili 19,6 %

Najveći broj lica povrijeđenih u saobraćajnim nezgodama evidentiran je na području općina: Ilidža (130) i Novi Grad (107).

Starosna struktura lica povrijeđenih u saobraćajnim nezgodama je sljedeća: od 25 do 30 godina – 111 lica, od 31 do 40 godina – 96 lica, od 21 do 24 godine – 87 lica, itd.

UZROCI SAOBRAĆAJNIH NEZGODA

Osim ostalih uzroka (4.004), koji su za posljedicu imali dvoje poginulih i 280 povrijeđenih lica, najčešći uzroci saobraćajnih nezgoda bili su: neprilagođena brzina-847 (sedam lica poginulo i 236 povrijeđeno) i uticaj alkohola –121 (jedno lice poginulo i 49 lica povrijeđeno). Klizav put izazvao je dvije saobraćajne nezgode u kojima su četiri lica povrijeđena, umor – jednu nezgodu sa jednim povrijeđenim licem i odron na putu – jednu nezgodu sa materijalnom štetom.

U sklopu redovnih aktivnosti, službenici policije su kontrolisali ukupno 143.115 vozila (17.537 više).

Zbog tehničke neispravnosti, iz saobraćaja su isključena 183 vozila (156 manje), 3.028 vozača je zatečeno da upravljaju vozilom pod dejstvom alkohola (246 više), 6.426 bez korištenja sigurnosnog pojasa (709 više), 1.668 bez položenog vozačkog ispita (260 više), a 1.326 vozača je učestvovalo u saobraćaju bez važeće registracije (20 više).

Zbog kršenja propisa iz oblasti sigurnosti saobraćaja uručeno je 93.614 prekršajnih naloga vozačima (17.919 više), podneseno 405 zahtjeva za pokretanje prekršajnog postupka (230 više) i registrovana 42 krivična djela zbog ugrožavanja sigurnosti javnog prometa (sedam više).

ZAKONITOST U RADU

Tokom prvog polugodišta 2013. godine, registrovano je 18 napada na službenu osobu u vršenju poslova sigurnosti. U napadima su učestvovala 22 lica, među kojima su dva maloljetnika.

Službenici policije su tokom izvještajnog perioda 26 puta upotrijebili silu (četiri manje).

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – juni 2013. godine evidentirana su 54 krivična djela koja su regulisana Zakonom o nabavljanju, držanju i nošenju oružja i municije (sedam više), počinjena od strane 54 izvršioca, od kojih je 20 lišeno slobode.

Od strane Policijskih uprava fizičkim licima izdata su 373 odobrenja za nabavku vatrenog oružja (52 više), 570 oružnih listova (132 više) i izvršeno 207 zamjena oružnih listova za fizička lica (31 više).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 51 pištolj, 22 puške, 82 noža ili druga oštra predmeta, deset ručnih bombi, šest boksera, 1.482 kom. municije različitog kalibra, 6.898 petardi, itd.

Takođe, u ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme.